

სახალხო გაზეტი

საქართველო
 ბათუმი № 705
 ლაშქარის № 124
 კვირა, 23 სექტემბერი 1912 წ.

წლებანდელ

ს ე ზ ო ნ ი ს

გ ა მ ო



გ გვილდიანი



მ მესხი



ს ი რ უ მ ი ს გ ო ლ ო ლ ი

ისტორიული მოთხრობა
 ვ. პეგუდისა.

წყნარი დღე იწურებოდა, მზემ გადაიხარა დასავლეთისაკენ, მაგრამ ჰაერი ისევ შეხუთული იყო. ბზის ქვეყნის დიდებული ქალაქი ტირი, რომელსაც ზღვათა მპყრობელს უწოდებენ—ისვენებდა დღიურ შრომისაგან და ღამის შესახვედრად ემზადებოდა. სწორედ ამ დროს სახელ-განთქმულ მატჩანის სახლში, იმის შეიღობილი სახელოვანი ქანდაქარი მირბალ, მოუსვენრად დადიოდა თავის სამუშაო ოთახში.

— კიდევ არა, სრულიად ის არ არის, რაზედაც ვოცნებობდი! ო, ღმერთებო!—ბუტბუტებდა ის დაფანტული და შეჭყურებდა თაროზე მწყრივად დალაგებულ ლარნაკებს, თასებს, ამფორებს და ბადიებს, თიხისა და შუშისაგან ვაკეთებულებს.

— რამდენი მძიმე შრომა, რამდენი უძილო ღამეები, რამდენი იმედები და აი... მაშინაც არ ვიყავი კმაყოფილი, როდესაც თიხა ღებულობდა ფორმას ჩემს ხელში, არ ვიყავ კმაყოფილი, იმიტომ რომ გულში იჭვი მებარებოდა ჩემის ნაშრომის სრულყოფისა.



ვ გუნია

— „მაგრამ მაშინ ბავშვსავით ვიმედოვნებდი: ფორმის ნაკლულევანება გამოსწორდება შედგების დროს. თიხას გადაეფარება გამჭვირვალე ლაქვარდი საღებავი, ცისფერი, როგორც ზღვის ტალღები, როგორც ცის სიღრმე. იმ ლაქვარდიდან აქა-იქ გამოანათებს, ძლივს შესამჩნევად, ყვითელი და მწვანე ნიშნები. ეს ნიშნები მისცემს ლაქვარდს სიღრმეს და ჰაეროვან შეხედულობას. ლაქვარდს ზემოდან დაეფრება მუქი მწვანე ფერი ხეებისა და ღია ჯიგარი ჩამავალი მზისაგან გაბრწყინებულ კლდეებისა. მოვლემავ ზღვის ზენა-პირად გადათეთრდება სამყური იალქნებით, უცხო ქვეყნისკენ მიმცურავ ნავებისა—და ყვითელ ნაპირზე რძისა და ვარდის ფერი სხეული ადამიანებისა.

„მაგრამ აი დახატული ლარნაკი სდგას ქურაში გამოსაწვავად, მინად ქცეული ფერადები საუკუნოდ ცოცხლად დარჩება მათედ.

„წითლდება თიხა სიმხურვალისაგან. ინთება და ჰქრება ნაპერწკლები ცეცხლისა. ბული გამოდის ქურიდან, სადაც იწვის ჩემის ხელით შექმნილი ქურქილი და ჩემს დალილ სულს თანდათან სძლევს მოუსვენრობა, თანდათან მაკლდება რწმენა რომ ჩემი ნაშრომი ისეთი გამოვა, როგორზედაც მე ვოცნებობდი. არც ფორმა ისეთი, არც მხატვრობა!

„ღიახ, რასაკვირველია, ხვალ ვაქრები, რომლებიც მიემგზავრებიან ტყვიის კუნძულის ღრუბლიან ნაპირებისაკენ,



დ. აბლუშელი.



ზ. ბერიშვილი, აღმ ნისტრატორი.



ბ. მატარაძე.



ქ-ნი ლაშუა.



ქ-ნი თ. გოგოლაშვილი.



ქ-ნი შათაძე.



ქ-ნი ე. ჩერქეშიშვილი.



ნ. ციციშვილი.

შორს ჩრდილოეთ-დასავლეთის მხარეს, ანუ დიდებულ ნილოსის ყვითელ სილი-საკენ ანლოტორის მხარეს, კოლხისის კლდეებისაკენ, ანუ ხვარშაგოვან იბერის ვაკესაკენ — შეებრძოლებიან ერთმანეთს ჩვენის ქარხნის ბეჭედ დასმულ ჭურ-ჭლებისათვის, რადგან ყველაფერი, რაც გამოდის სავაჭრო მოედანზე ამ ნიშნით: ორი ჩაქუჩი, ზევით მიტრა, გვირგვინით და ქვევით სამი ჯაჭვი,—არის მატ-ტანისა და ერთად-ერთი მემკვიდრე ტი-რის უწინდელ მპყრობელისა.

„ყველა ამას ფასი აქვს ვაჭრებისათვის; ეს წარმოადგენს უმთავრეს ნაყოფს სატახტო ქალქ ტირის ქარხნისას, რომელიც არსებობს ეს ორასი წელიწადია. ქარხანა მატტანის გვარეულობისა, ქან-დაქრებისა და ხელოსნებისა.

„ყოველთვის აუარებელ ოქროს აღ-ღვევენ ვაჭრები მოხუც მატტანს და ამ ოქროში ჩემი წილიც ურევია, რადგან მატტანი მე მთელის თავის მემკვიდრედ, აფასებს ჩემს ხელოვნებას, მაგრამ მე თი-თონ განა კმაყოფილი ვარ ყველა ამითა?

„არა! ო, ღმერთებო! ათასჯერ არა! „რადგან, როდესაც ჭურჭლები გამო-ვიდნენ ქურიდან და გაცივებულნი, მხედ-რებისვით, დავამწკრიე აი, ამ თაროზე—შევამჩნიე ნაკლი, შეც-დომები, ყველა შეუსრულებლობა ფერისა და ფორმისა.

„მაგალითად, აი ამ ლარნაკისათვის რომ უფრო ვიწრო და მაღალი ყელი გამეკეთებინა,—მსუბუქი, მოხდენილი და ლამაზი იქნებოდა. ეხლა კი ჭვიწრო ფეხზედ შეუფერებელი ტანი, ასე მგონია, თავის თავად იზრდება სიმძიმისგან.

„ღიახ ეს არის შეცდომა და ჩემი დანაშაული.

„მე შემძლიან გავიმართლო თავი: როდესაც ამ ლარნაკს ვაკეთებდი ნიშუ-შად ავიღე ურა მატტანის ნამუშევარი, ამ ქარხნის დამფუძნებლის, რომელსაც ხალხი „დიდებულ ურას“ უწოდებდა.

„მაგრამ ური სცხოვრობდა და მუშა-ობდა ორასი წლის წინედ. მაშინ, რასა-კვირველია, იმის ნახელოვნები სრულ-ყოფილი ეჩვენებოდათ. იმის შექმნილი იმ დროს ახალი სიტყვა იყო კეთილშობი-ლურ ხელოვნებაში, რომელმაც ცამდის აიყვანა—ფინიკიელები. ჩვენთვის კი ის ეხლა ძველია.

„ურ, თუნდაც ჰენიოსი ყოფილიყოს, მაინც იმის თვალები ვერ დაინახავდნენ მას, რასაც ეხლა ხედვენ იმის შვილის-შვილები, ესენი ეძებენ ხელოვნებაში ახალ ელემენტებს სილამაზისას და პოუ-ლობენ კიდევ. ჩემი ლარნაკი კი ასლია იმ ლარნაკისა, რომელიც ურს გაუკეთე-ბია ამ ორასი წლის წინედ, ანუ უკედ რომა ვსთქვათ, მონური მიბაძვა იმისი.

„ურმა არ იცოდა ისეთი თიხის შეზა-ვება, როგორც ვაცი მე. იმის თიხა იყო მძიმე, ფხვიადი და ძალაუნებურად სქელ-კედლიანი ჭურჭელი გამოდიოდა. მას არ შეეძლო გაეკეთებინა თხელი, ვიწრო, როგორც ზამბახის ღერი, დოქის


ყელი. არ შეეძლო გამოექანდაკებინა წვრილი ხელი ფინჯნი-სა—ისინი დაიმსხვრეოდნენ ხელის მიკარებისათანავე.

„ჩემი თიხა ბევრად უფრო მტკიცეა, ძარღვიანი.


„მაშ რაღად ვაკეთებ ისეთ უშნო ლარნაკებს, როგორ-საც ამ საუკუნის წინედ აკეთებდა თავის დროის დიდებული მექანდაკე?

„ეს ხომ სისულელეა.

კახეთის მევენახეთა სწოგადობა „კახეთის“



ღვინოების გააზავენ-გამოგზავნა.



სარდაფის ერთ-ერთი კუთხე.

„საღებავები?!“

„ურის განკარგულებაში იყო ოთხი, სულ დიდი, ხუთი ფერი საღებავისა. იმიტომაც იმის ყვავილების გამა იყო ღარიბული, ბავშვური. მე ვმუშაობ ოც და ათი სხვა და სხვა ფერი საღებავით—ეს ნებას მაძლევს მრავალ-ფერად შეხამებისას.“

„მაშ რად მეშინიან გამოვიყენო ეს საუცხოვო გამა? რისთვის ვერა ვბედავ, მაგალითად, კლდის აღსანიშნავად ვიხმარო თუნდაც ეს ჩემგან შემთხვევით აღმოჩენილი საღებავი, რომელიც მუქს აცხოველებს იის ღია ფრად და ღია ფერს—ოქროვან—ვარდის ფრად. რადღაც ვხმარობ ასვალტს ჩრდილის აღსანიშნავად, რომელიც შე თითონ ცისფრად მეჩვენება?“


„ხალხს მივაჩნივარ გამოჩენილ მექანდაკედ, მაგრამ სცდებიან:—მე არარა ვარ, საბრალო მონა, რომელსაც ვერ გაუბედნია დაამსხვრიოს ჯაჭვი მონობისა!“

„მაგრამ, ღმერთებო! ამას მოედება ბოლო; შემოვიშორებ ამ ჯაჭვს მალე, ძლიან მალე! მე მიყვარს და პატივსა ვსცემ ჩემს მამას, მოხუც მატრანს, თითქმის ერთად ერთს მოქანდაკეს მთელ ტირში, რომელმაც შეინარჩუნა ძველი დროის საუკეთესო ხელოვანთა აღთქმა.“

„მაგრამ სანამ მე სრული პატრონი არ გავხდები ამ სახელოსნოს, სანამ მატრანს არ ვადმოუტია ჩემთვის მთელი საქმე ჩემი საყვარელი ილისისა, მანამ ვერ გავბედავ, განვაცხოვლო ჩემი ოცნებანი: ხელოვნებაში ახალი ელემენტის შეტანა. მეშინიან გამოკვლევისათვის ძვირფასი მასალის დახარჯვა, იმიტომ რომ ეს არის მატრანის საკუთრება. ვერა ვბედავ დროს დაკარგვას, იმიტომ რომ ეს დრო მარტო მე არ მეკუთვნის.“

„მერე კიდევ მოგზაურობა...“

„ოჰ, ღმერთებო! როგორ მიზიდავს მე მოგზაურობა. უცნობი ძალა მიზიდავს საოცნებო მხარისაკენ... იქ, სადაც,



ღვინის გაწურვა და ჩამოსხმა.



ბოჩკების საკუთარი სახელოსნო.

შორს ნაპირს მოადგებიან ჩვენი მეზღვაურნი სწრაფის ნავებით.—ან იქითკენ, სადაც ჯერ კიდევ მიუვალა ის ნაპირები!

—ვის ელაპარაკები აქ, მირბალ?—მოისმა, სავსე სინაზით და მელოდით, ხმა ახალგაზდა ქალისა და კარებში გამოჩნდა ახლავანი ტანის ლამაზი საცოლვე მირბალისა მატრანის ქალბ.

მირბალ შეკრთა. ფიქრებში გართულმა, ვერ შეამჩნია ახალგაზდა ქალის მოსვლა.

—ო, ილისს!—წამოიძახა მან აღელვებით.—შეხედე, რა გამოვიდა ჩემი შრომისაგან!

მან მიუთითა თაროზე დაწყობილ ჭურჭლებზე.

—ვხედავ—სთქვა ქალმა და დაუყურა დღებოდ გადაჭედა ჭურჭლებს.—მე ყველას ვხედავ, მირბალ! და განა აქ არის ახალი რამ, რომლის გაცეთებას არ დავსწრებოდე და შენის მუშაობისათვის არ მემზირნა?

—ახალი?—მწარედ წარმოსთქვა მირბალმა.—კიდევ ეგ არის, რომ ახალი აქ არაფერია. ჩემო ძვირფასო, ყველაფერი ძველია, დიდინის ნაცნობი, ისეთი, როგორც ამ ორი საუკუნის წინდ იყო. ნაცნობი, მარტო შენთვის კი არა, ჩემის რჩეულისა, რომელმაც იცი ყოველი ჩემი სულის მოძრაობა, არამედ მთელი ქვეყნისათვის... უბედურებაც ეგ არის, რომ მე კიდევ ვერ მოვახერხე ჩემი ოცნების განხორციელება.“

—კიდევ მქმუნვარება?—ჩუმის ყვედრებით წარმოსთქვა ქალმა, ნაზად დაადო მხარზე ნებიერი ხელი და ნდობით შეაცქერდა თვალებში... ო, მირბალ! სევდით მოცულია შენი ფიქრები, ის იქვსა ჰბადებს შენს ძალაში და მქმუნვარებით ავსებს შენს გულს! ეგ ხომ სულმოკლეობაა, მირბალ! დავიწყებას უნდა მისცე თავი, უნდა მოისვენო! მე მოვიტანე კიფარი... გინდა ვიმღერო შენი საყვარელი ხმები?

„მე გიმღერ შენ იმ შორს მხარეზე, სადაც ცხოვრობს შავი ხალხი, სადაც მდინარის შლამი გაჟღენთილია ოქროთი. სადაც ხის ტოტზე ქანაობენ ათასფერიანი ჩიტები და გალობენ საამურ ხმებს. სადაც, ჰაერში დაჰფრენენ ათას ფეროვანი, ცოცხალი ყვავილებსავით ღიღრონი ჰველები.“

„დაჯექ ჩემს გვერდით, მირბალო! აი, ასე!
 „შენ დაილაღე და მოსვენება გეკირვება. დაისვენებ და შემდეგ შენ თითონ გაგეკინება დღევანდელ მკმუნვარებაზე, იქვებზე და ათვალწუნებაზე.

„გაიგონე, ჩემო მფლობელო, ჩემგან რჩეულო!
 „მე შენ გიმღერ ღრუბლიან ჩრდილოეთზე, იმ მხარეზე ქვის კიშკრის გაღმა, სადაც დასკურვენ ჩვენი ხომალდები ტყვის და კალის საპოვნელად. ამბობენ იქ ისე ცივა, რომ წყალი ზენა-პირზე შუშასავით მაგრდება და მასავით გამკვირვალა.

„ამბობენ, ჰაერი სავსეა ტალღების მსგავს ღრუბლებით ღ ხშირად ორი ადამიანი ახლოც ერთმანეთს ვერ არჩევენ. ღრუბლებში იმალებიან ათასგვარი აჩრდილნი ღ მოჩვენებანი. ეს თურმე სულიამათ წინაპართა. მეზღვაურებს ესმისთ ხმები ამ მოჩვენებისა, რადგან როდესაც ქარიშხალი ატყდება, ისინი საცოდავად ჰკვენსიან. ისინი დაძრწიან აბობოქრებულ ზღვის პირად და მეზღვაურებს ხსნას ვეგდრებიან: სახოვენ დაიხსნან ისინი ამ საშინელ ღრუბლებისაგან და წაიყვანონ იქ, სადაც მზეს მუდამ კაშკაში გააქვს, სადაც ცა მუდამ ფირუზის ფერია.

„მაგრამ ვაი იმ მეზღვაურს, რომელიც ასრულებს ამ თხოვნას: გემს ყოველი მხრიდან შემოესევია ეს აჩრდილნი, აავსებენ ღ ისიც, ტყვიით დატვირთულივით, ვეღარ უძლებს ამ სიმძიმეს, ჩასძირავს ზღვის უფსკრულში და სამუდამოდ იკარგება.

„ზღვის ძირი სავსეა ათასგვარი რვა ფეხიანებითა. ამათი თითო ფეხის სიგრძე უდრის მანძილს სამჯერ ნატყორცნ ისრისას. თვალები ბორბოტის ცეცხლით უბრწყინავთ და სიდიდით უდრიან პატარა ტბას, ხანდახან ისინი ამოცურდებიან ზედა-პირზე და მეზღვაურები შეცდომაში შედიან, ჰგონიათ კუნძული, მაგრამ ვაი იმ გემს, რომელიც ამ საშინელ კუნძულს მიუახლოვდება: დროს შერჩევით ის მოხვევს თავის გრძელ ფეხს, მოითრევს ახლო და მთელ გემს, დატვირთულს ჰყლაპავს.

„კიდევ არის ამ საშინელ ზღვაში ერთგვარი თევზი, სახელად ბაალ-ლეა, რომელიც შობს შვილებს და თავის ძუძუთი ზრდის. ის ისეთი დიდია, რომ თვით უდიდესი მთა პატარა გორაკათა სჩანს მასთან შედარებით, ამიტომაც მას არ შეუძლიან ოკეანიდან ჩვენს წყალში გამოსვლა. ქვის კიშკარი ერთობ ვიწროა იმისთვის. გაშლილ ოკეანეში კი თავისუფლად სცურავს. ხან და ხან ღრმა ძილი მოიცავს მას და ამ დროს ზენა-პირზე ამოიტივტივებს. სძინავს ათი საუკუნე—ჩვენთვის ათი საუკუნე იმისთვის ერთ დღესა ნიშნავს.

„ამბობენ იყო შემთხვევა, როდესაც უმეცარმა ხალხმა დაინახა ეს უზარ-მაზარი სხეული მძინარ ბაალ-ლევასი—ხმელეთად მიიღო. გააშენეს, ამ მძინარ მხეცის ზურგზე, ქალაქი, დიდებული ტაძრები, ძეგლები და სცხოვრობდნ ბედნიერად. მაგრამ მოახლოვდა დრო, გავიდა ათი საუკუნე და ბაალ-ლეასაც გამოვლიცა. გამოვლიცებისას ერთი მძლავრად ამოისუნთქა ყელის გასაწმენდათ და ამის ნესტოებიდან ორი დიდი შადრევანი ცათამდის ასწვდა. იქიდან ჩამონადენი წყალი ესხმის ზურგზე ბაალ-ლევას და ათი საუკუნით ნაშენი ქალაქი ერთ წამს ჰქრება ამის ზურგიდან. ტყეები, ამწვანებელი ქალები და დამუშავებული მიწები ერთბაშად მოირეცხა და შთაინთქა ოკეანის სიღრმეში. ერთხელ კუდის კოქნევით მოიწმინდა ზურგი, შემდეგ ორჯელ შეინძრა ეს უდიდესი სხეული ბაალ-ლევასი და ჩასკურდა ოკეანის სიღრმეში, რომ გაძღეს იქ ჩაძირულებით.

„გაიგონე ჩემი სიმღერა, ჩემგან რჩეულო!
 „მე შენ გიმღერებ უდიდეს გველზედ—ის გაჩენილა ჩვენ ქვეყანასთან ერთად და ცხოვრობს ოკეანეში.

„კიფარის“ სიმები, ილისის წვრილ თითებ ქვეშ, ნახად და მელოდიურად ჟღერდნენ და გამოსცემდნენ ჰარმონიულ აკორდებს. ილისს არ იმღეროდა, ის უფრო ენა-მკერვობდა უძველეს ლეგენდებს და ქალწულის ნაზი, მელოდიური ხმა ოცნების ტკბილ ბურანში ახვევდა მირბალს. ის შესამჩნევად დამშვიდდა, სევდით მოცული იმის უკმაყოფილო სული დაწყნარდა, მძიმე და სევდიანი გრძობები შეეცვალა ახალ, ბრწყინვალე და სასიამოვნო გრძობებად. განიერ სარკმელიდან უხვად შემოჰკრთოდნენ ჩამავალი მზის სხივები, მოსჩანდა ღია ცა, ზურმუხტის ფერი ზღვა, რომლის ზენა პირი გადათეთრებული იყო იალქნებიან ნავებით. ლაქვარდ ტალღებზე მარადთ მისკურავდნენ თავ-გამოდებულნი ფინიკიელები, რომელთაც მთელი ქვეყანა დაიპყრეს ვაქრობით. მოსჩანდა ნაპი-

რი, მასზე გაშენებულ ტარის პატრიცების სასახლეებით და ბალებით. მთელი მიდამო წარმოადგენდა რაღაც ზღაპრულს, თეთრ მარმარილოს ქალაქს.

— ხომ აღარა სწუხხარ, ჩემო მფლობელო?—ჰკითხა ქალმა და ისევ ნდობით ჩააცქერდა თვალეში თავის საყვარელს.

— ილისს, განა შემძლიან მწუხარებას მივცე თავი, როდესაც შენ ჩემთანა ხარ?—უპასუხა მირბალმა, მოჰხვია ხელი და ნახად აკოცა ხშირ თმაზე, რომელსაც უმშვენებდა ოქროს ჯილა.—როდესაც შენ ჩემთანა ხარ, ასე მგონია ყველაფერი ჰყავის და გარშემოსურნელებსა ჰვენს, ყველაფერი იმღერის მხიარულ ხმაზე. როდესაც ვერა გხედავ—გული მიკვენსის და საშინელ მარტოობასა ვგრძნობ—როდესაც შენ ჩემთანა ხარ ჩემი შრომის ნამყოფი ყველაფერი ღამაში მეჩვენება, ვხედავ მათში სიფაქიზეს და სიმშვენიერეს, ისეთს, როგორსაც წინედ ვერც კი ვამჩნევდი, რადგან თვალეში ბინდით მქონდა დაფარული და სევდისაგან გული მწუხარებით მოცული.

— რაზედა სწუხხარ, მირბალ, მითხარი?

— დიდხანს მოუნდები, ჩემო ღვთაებავ!

განა ჩვენ დროში ცოტა მიზეზი აქვს თვითეულ მცხოვრებს ტირისას, რომ სევდიანად გრძობდეს თავსა? დიდებული ტირი ხომ ისეთ განსაცდელს განიცდის ეხლა, ისეთ მძიმე დროს, რომლის მსგავსიც მას არას დროს არ უნახავს.

„ო, ღმერთებო!

„იცი, ილისს, რაზე ვოცნებობ ხშირად ამ სულის შემხუთველ ღამეებში, როდესაც უზომო დაღლილობასა ვგრძნობ, მაგრამ ძილი მაინც არ ეკარება ჩემს თვალებს?

„ლოგინი ცხელია, თითქოს ოშხივარი ასდისო. გავაღებ სარკმელს, კარებს, გავარდები გიჟივით აივანზე. გარე მიძინებული ღამის ნიავი ოდნავ არხვეს სიცხისაგან ღონე მიხილ ყურძნის ფოთლებს.

„ღამის დედოფალი, ფერმკრთალი მთვარე—ასტარტა, მისცურავს ცაზე და ვერცხლებრივ სხივებს უხვად უგზავნის მიძინებულ ზღვას. სხივების ღანდი ვერცხლის ზოლსა ჰვენს ზღვის სივრცეზე ცის დასავლამდის, თითქოს ვერცხლის საქანაო ხიდი იყოს გაბმული.

„იქ, გარედ, ჰაერი სუფთა და გრილია. ასე გგონია ფანჯრის და კარების გაღება კმარა, რომ ოთანში შემოიქრას სუფთა ჰაერი, მაგრამ გადის საათი, მეორე, ვბრუნდები ოთანში და ისევ მიპყრობს ეს სულის შემხუთხველი სიცხე, თითქო იატაკის ქვეშ გახურებული ქურები იღვეს.

„და იი, ილისს, ასეთ უძილო ღამეებში უნებლიედ ოცნებობ, რაღაც სხვაზედ, მიილტვი სადაც, გინდა მოშორდე ყველაფერს, რაც კი გარს გახვევია!

„ბევრჯელ მიფიქრნია, ილისს, თუ რა კარგი იქნებოდა, რომ მიწის შვილიც ფრინველივით თავისუფლები იყვნენ, რომ ჩვენც იმათსავით ფრთები გვქონდეს და შეგვეძლოს აფრენა ცის კიდემდის, გაქროლვა ქარზედ უმაღ იქ, სადაც მიილტვის ჩვენი ოცნება.

„ო, ილისს! ნუთუ შენ არასოდეს არ გიფიქრნია, რომ შეგიძლიან ფრენა?

ღიახ, მიფიქრნია, ჩემო მეგობარო და ეხლაც ხან და ხან ვფიქრობ.

— ამბობენ, ჩემო ილისს, ოდესღაც ერთმა გლინელმა, ტყვეობაში მყოფმა, მოიოსტატა ფრთების გაკეთება და შეაწება ფრინველების ფრთები. მაგრამ ეს ზღაპარია. მე ელინელებზე ნაკლებ არ მესმის მანქანების ხელობა. მეცა ვსინჯე ფრთების გაკეთება, მაგრამ ისეთი მძიმე გამოდგა, რომ ათჯელ მეტად ვერ ავიქნიე მალლა და თანაც საშინელი დაღალულობა ვიგრძენ მთელ სხეულში. ამასთანავე ფრთები ისე პატარები გამოდგა, რომ ვერც ერთხელ დედა-მიწას ვერ მოაშორეს ჩემი ტანი, მალლა ვერ ამწიეს. სჩანს ფრთები ბევრად დიდები უნდა გამეკეთებინა; მაშინ ხომ ერთობ მძიმე იქნებოდა და ორჯელაც ვერ შევძლებდი იმათ აქნევას.

(შემდეგი იქნება)

ევ. მესხი.

